

REGLUGERÐ

um gildistöku reglugerða Evrópusambandsins um almannatryggingar (VI).

1. gr.

Gildistaka reglugerðar framkvæmdastjórnarinnar (ESB) 2017/492.

Reglugerð framkvæmdastjórnarinnar (ESB) 2017/492 frá 21. mars 2017 um breytingu á reglugerð Evrópuþingsins og ráðsins (EB) nr. 883/2004 um samræmingu almannatryggingakerfa og á reglugerð Evrópuþingsins og ráðsins (EB) nr. 987/2009 sem kveður á um framkvæmd reglugerðar (EB) nr. 883/2004 skal öðlast gildi hér á landi, sbr. ákvörðun sameiginlegu EES-nefndarinnar nr. 246/2018 frá 5. desember 2018 um breytingu á VI. viðauka (félagslegt öryggi) og bókun 37 við EES-samninginn, sbr. einnig 3. gr. laga nr. 2/1993 um Evrópska efnahagssvæðið, með síðari breytingum og bókun 1 við EES-samninginn.

Reglugerðin skal gilda með þeirri aðlögun sem fram kemur í ákvörðun sameiginlegu EES-nefndarinnar nr. 246/2018.

2. gr.

Efni.

Í reglugerð þessari er mælt fyrir um gildistöku reglugerðarinnar varðandi þau málefni sem talin eru upp í 2. gr. reglugerðar nr. 442/2012 um gildistöku reglugerða Evrópusambandsins um almannatryggingar og sem félags- og barnamálaráðherra fer með.

Í reglugerð heilbrigðisráðherra verður kveðið á um gildistöku reglugerðarinnar varðandi þau málefni sem talin eru upp í 2. gr. reglugerðar nr. 442/2012 um gildistöku reglugerða Evrópusambandsins um almannatryggingar og heilbrigðisráðherra fer með.

Í reglugerð fjármála- og efnahagsráðherra verður kveðið á um gildistöku reglugerðarinnar varðandi þau málefni sem talin eru upp í 2. gr. reglugerðar nr. 443/2012 um gildistöku reglugerða Evrópusambandsins um almannatryggingar (réttindi úr lífeyrissjóðum og til barnabóta) og fjármála- og efnahagsráðherra fer með.

3. gr.

Fylgiskjöl.

Ákvörðun sameiginlegu EES-nefndarinnar nr. 246/2018 frá 5. desember 2018 sem birt er í EES-viðbæti við Stjórnartíðindi ESB nr. 17 frá 28. febrúar 2019, bls. 1, og reglugerð framkvæmdastjórnarinnar (ESB) 2017/492 sem birt er í EES-viðbæti við Stjórnartíðindi ESB nr. 85 frá 20. desember 2018, bls. 110, eru birt sem fylgiskjöl 1 og 2 með reglugerð þessari.

4. gr.

Gildistaka.

Reglugerð þessi, sem sett er með stoð í 71. gr. laga um almannatryggingar, nr. 100/2007, með síðari breytingum, 6. mgr. 42. gr. og 64. gr. laga um atvinnuleysistryggingar, nr. 54/2006, með síðari breytingum, að fenginni umsögn stjórnar Atvinnuleysistryggingasjóðs, og 35. gr. laga um fæðingar- og foreldraorlof nr. 95/2000, með síðari breytingum, öðlast þegar gildi.

Félagsmálaráðuneytinu, 12. mars 2019.

F. h. r.

Gissur Pétursson.

Ágúst Þór Sigurðsson.

Fylgiskjal 1.**ÁKVÖRÐUN SAMEIGINLEGU EES-NEFNDARINNAR nr. 246/2018****frá 5. desember 2018****um breytingu á VI. viðauka við EES-samninginn (Félagslegt öryggi)**

SAMEIGINLEGA EES-NEFNDIN HEFUR,

með vísan til samningsins um Evrópska efnahagssvæðið, („EES-samningurinn“), einkum 98. gr.,

og að teknu tilliti til eftirfarandi:

- 1) Fella ber inn í EES-samninginn reglugerð framkvæmdastjórnarinnar (ESB) 2017/492 frá 21. mars 2017 um breytingu á reglugerð Evrópuþingsins og ráðsins (EB) nr. 883/2004 um samræmingu almannatryggingakerfa og á reglugerð Evrópuþingsins og ráðsins (EB) nr. 987/2009 sem kveður á um framkvæmd reglugerðar (EB) nr. 883/2004 ⁽¹⁾.
- 2) VI. viðauki við EES-samninginn breytist því í samræmi við það.

TEKIÐ EFTIRFARANDI ÁKVÖRÐUN:

1. gr.

VI. viðauki við EES-samninginn breytist sem hér segir:

1. Eftirfarandi undirlið er bætt við 1. lið (reglugerð Evrópuþingsins og ráðsins (EB) nr. 883/2004) og 2. lið (reglugerð Evrópuþingsins og ráðsins (EB) nr. 987/2009):
„– **32017 R 0492**: Reglugerð framkvæmdastjórnarinnar (ESB) 2017/492 frá 21. mars 2017 (Stjtið. ESB L 76, 22.3.2017, bls. 13).“
2. Eftirfarandi er bætt við aðlögunartexta h) í 1. lið (reglugerð Evrópuþingsins og ráðsins (EB) nr. 883/2004):
„NOREGUR
Ellilífeyrir samkvæmt lögum um almannatryggingar (20. kafli) og skilgreind lífeyrisiðgjöld til kerfa samkvæmt lögum um skyldubundna lífeyrissjóði.“

*2. gr.*Íslenskur og norskur texti reglugerðar (ESB) 2017/492, sem verður birtur í EES-viðbæti við *Stjórnartíðindi Evrópusambandsins*, telst fullgiltur.*3. gr.*

Ákvörðun þessi öðlast gildi 6. desember 2018, að því tilskildu að allar tilkynningar samkvæmt 1. mgr. 103. gr. EES-samningsins hafi farið fram (*).

*4. gr.*Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 5. desember 2018.

*Fyrir hönd sameiginlegu EES-nefndarinnar****Oda Helen Sletnes***

formaður.

⁽¹⁾ Stjtið. ESB L 76, 22.3. 2017, bls. 13.

^(*) Engin stjórnskipuleg skilyrði gefin til kynna.

Fylgiskjal 2.**REGLUGERÐ FRAMKVÆMDASTJÓRNARINNAR (ESB) 2017/492**

frá 21. mars 2017

um breytingu á reglugerð Evrópuþingsins og ráðsins (EB) nr. 883/2004 um samræmingu almannatryggingakerfa og á reglugerð Evrópuþingsins og ráðsins (EB) nr. 987/2009 sem kveður á um framkvæmd reglugerðar (EB) nr. 883/2004

(Texti sem varðar EES og Sviss)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 883/2004 frá 29. apríl 2004 um samræmingu almannatryggingakerfa ⁽¹⁾, einkum 88. gr.,með hliðsjón af reglugerð Evrópuþingsins og ráðsins (EB) nr. 987/2009 frá 16. september 2009 sem kveður á um framkvæmd reglugerðar (EB) nr. 883/2004 um samræmingu almannatryggingakerfa ⁽²⁾, einkum 92. gr.,

og að teknu tilliti til eftirfarandi:

- 1) Í því skyni að taka tillit til tiltekinna breytinga á löggjöf sumra aðildarríkja, eða óska þeirra um að einfalda beitingu samræmingarkerfisins sem um getur í reglugerð (EB) nr. 883/2004 og reglugerð (EB) nr. 987/2009, lögðu aðildarríkin beiðnir fyrir framkvæmdaráðið um samræmingu almannatryggingakerfa um breytingar á tilteknum viðaukum við þessar reglugerðir.
- 2) Framkvæmdaráðið um samræmingu almannatryggingakerfa hefur samþykkt umbeðnar breytingar og komið viðeigandi tillögum um tæknilega aðlögun viðaukanna til framkvæmdastjórnarinnar.
- 3) Framkvæmdastjórnin getur fallist á viðkomandi tillögur.
- 4) Því ætti að breyta reglugerðum (EB) nr. 883/2004 og (EB) nr. 987/2009 til samræmis við það.

SAMÞYKKT REGLUGERÐ ÞESSA:

I. gr.

Reglugerð (EB) nr. 883/2004 er breytt sem hér segir:

- 1) Ákvæðum VI. viðauka er breytt sem hér segir:
 - a) Eftirfarandi nýr liður, d-liður, bætist við á eftir c-lið í þættinum „EISTLAND“:

„d) Greiðsla vegna skertrar starfsgetu sem er veitt samkvæmt lögum um greiðslur vegna skertrar starfsgetu“.
 - b) Eftirfarandi komi í stað þáttarins „SVÍÞJÓÐ“:

„SVÍÞJÓÐ
Tekjutengdar sjúkrabætur og tekjutengdar ástundunargreiðslur (34. kafli laga um almannatryggingar)“.
 - c) Eftirfarandi komi í stað þáttarins „BRESKA KONUNGSRÍKIÐ“:

„BRESKA KONUNGSRÍKIÐ
Atvinnu- og stuðningsgreiðsla (Employment and Support Allowance - ESA)

 - a) Atvinnu- og stuðningsgreiðslur sem úthlutað er fyrir 1. apríl 2016 teljast fyrsta 91 daginn (matsáfangi) vera sjúkrabætur í peningum. Frá 92. degi teljast atvinnu- og stuðningsgreiðslur (aðaláfangi) vera örorkubætur.
 - b) Atvinnu- og stuðningsgreiðslur, sem úthlutað er 1. apríl 2016 eða síðar, teljast fyrstu 365 dagana (matsáfangi) vera sjúkrabætur í peningum. Frá 366. degi teljast atvinnu- og stuðningsgreiðslur (stuðningshópur) vera örorkubætur.

Löggjöf Stóra-Bretlands: 1. hluti velferðarlaga (Welfare Reform Act) 2007.
Löggjöf Norður-Írlands: 1. hluti velferðarlaga (Welfare Reform Act) (Norður-Írland) 2007.“
- 2) Ákvæðum VIII. viðauka er breytt sem hér segir:
 - a) Í stað þáttarins „PÓLLAND“ í 1. hluta komi eftirfarandi:

„PÓLLAND

⁽¹⁾ Stjtið. ESB L 166, 30.4.2004, bls. 1.⁽²⁾ Stjtið. ESB L 284, 30.10.2009, bls. 1.

Allar umsóknir um örorkulífeyri, ellilífeyri samkvæmt skilgreindu bótakerfi og eftirlífendalífeyri, þó ekki í þeim tilvikum þar sem samanlögð tryggingatímabil, sem lokið er samkvæmt löggjöf í fleiri en einu aðildarríki, jafngilda a.m.k. 20 árum fyrir konur og 25 árum fyrir karla en innlend tryggingatímabil eru styttri en þessi mörk (og a.m.k. 15 ár fyrir konur og 20 ár fyrir karla) og útreikningurinn er gerður skv. 27. og 28. gr. laganna frá 17. desember 1998 (Stjtið. ESB 2015, 748. liður).“

- b) Í stað þáttarins „SVÍÐJÓÐ“ í 1. hluta komi eftirfarandi:

„SVÍÐJÓÐ

- a) Umsóknir um ellilífeyri í formi lágmarkslífeyris (66. og 67. kafli laga um almannatryggingar).
b) Umsóknir um ellilífeyri í formi viðbótarlífeyris (63. kafli laga um almannatryggingar).“

- c) Í stað fyrstu setningar þáttarins „BRESKA KONUNGRÍKIÐ“ í 1. hluta komi eftirfarandi:

„Allar umsóknir um eftirlaunalífeyri, lífeyri frá ríkinu skv. 1. hluta laga um lífeyri frá 2014, ekknalífeyri og bætur vegna ástvinamissis, nema þær, þar sem á skattári sem hófst 6. apríl 1975 eða síðar:“

- d) Í stað þáttarins „SVÍÐJÓÐ“ í 2. hluta komi eftirfarandi:

„SVÍÐJÓÐ

Ellilífeyrir í formi tekjutengds lífeyris og séreignalífeyris (62. og 64. kafli laga um almannatryggingar).“

- 3) Ákvæðum IX. viðauka er breytt sem hér segir:

- a) Í stað þáttarins „SVÍÐJÓÐ“ í I. hluta komi eftirfarandi:

„SVÍÐJÓÐ

Tekjutengdar sjúkrabætur og tekjutengdar ástundunargreiðslur (34. kafli laga um almannatryggingar)

Lágmarkslífeyririnn og lágmarksbæturnar, sem koma í stað fulls lífeyris frá ríkinu sem kveðið var á um samkvæmt löggjöfinni um lífeyri frá ríkinu sem var í gildi fyrir 1. janúar 1993 og fullur lífeyrir frá ríkinu sem var veittur samkvæmt umbreytingarreglum löggjafarinnar sem gilda frá þeim degi.“

- b) Í stað þáttarins „SVÍÐJÓÐ“ í II. hluta komi eftirfarandi:

„SVÍÐJÓÐ

Sjúkrabætur og ástundunargreiðsla í formi lágmarksbóta (35. kafli laga um almannatryggingar).

Eftirlífendalífeyrir sem reiknaður er á grundvelli tryggingatímabíla sem færð hafa verið til tekna (76.-85. kafli laga um almannatryggingar).“

2. gr.

Reglugerð (EB) nr. 987/2009 er breytt sem hér segir:

- 1) Í 1. viðauka:

- a) Liðurinn „BELGÍA-ÍRLAND“ falli brott.
b) Liðurinn „DANMÖRK-GRIKKLAND“ falli brott.

- 2) Í 3. viðauka:

- a) Liðurinn „HOLLAND“ falli brott.
b) Liðurinn „FINNLAND“ falli brott.

3. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Ákvæði 2. mgr. 2. gr. koma til framkvæmda frá og með 1. janúar 2018.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 21. mars 2017.

Fyrir hönd framkvæmdastjórnarinnar,

Jean-Claude JUNCKER

forseti.